

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-164/23
Mostar, 27.04.2023. godine

IZVOD IZ ZAPISNIKA
sa šeste (VI) redovne sjednice Skupštine
Hercegovačko-neretvanskog kantona

Sjednica je održana dana 27.04.2023. u sali Skupštine Hercegovačko-neretvanskog kantona u Mostaru sa početkom rada u 12:00 sati.

Sjednicu je otvorio Tomislav Martinović zamjenik predsjedavajućeg Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Oliver Soldo, Dragica Suša, Vesna Šunjić, Mirko Vasilj, Nermin Vrtić, Arman Zalihić, Vesna Saradžić i Irma Memidžan.

Odsutni: Zora Dujmović, Iva Raguž i Ismet Lulić.

Konstatovano je da je na sjednici prisutno **27** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici Zavoda zdravstvenog osiguranja HNK, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Zamjenik predsjedavajućeg Skupštine HNK Tomislav Martinović izvijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Zamjenik predsjedavajućeg Skupštine HNK Tomislav Martinović je u ime Kolegija Skupštine HNK predložio da se na (VI) redovnoj sjednici Skupštine pod tačkom 3. dnevnog reda uvrsti tačka Zakon o izmjenama Zakona o policijskim službenicima Hercegovačko-neretvanske kantona u skraćenom postupku, te da se tačka Prijedlog Odluke o usvajanju dokumenta okvirnog Budžeta HNK za period 2022-2024 odnosno 2023-2025, ne usvajaju u vidu Odluke nego Informacije koje će biti primljene k znanju.

Otvorena je rasprava po prijedlogu dnevnog reda.

U raspravi su učestvovali: Ivan Odak i Tomislav Martinović.

Poslanik Ivan Odak predložio je da se Prijedlog odluke o davanju suglasnosti na Izmjene i dopune Finansijskog plana Zavoda zdravstvenog osiguranja HNK za 2023. godinu povuče s dnevnog reda (VI) redovne sjednice Skupštine HNK.

Uslijedila je **pauza** od 5 minuta.

Nakon pauze, obavljeno je glasanje o prijedlogu poslanika Ivana Odaka da se Prijedlog odluke o davanju suglasnosti na Izmjene i dopune Finansijskog plana Zavoda zdravstvenog osiguranja HNK za 2023. godinu povuče s dnevnog reda (VI) redovne sjednice Skupštine HNK.

Nakon glasanja konstatovano je da prijedlog zastupnika Odaka nije dobio potrebnu većinu.

Obavljeno je glasanje da se u dnevni red uvrsti 3. tačka dnevnog reda Prijedlog Zakona o izmjenama Zakona o policijskim službenicima HNK.

Nakon glasanja konstatovano je da je prijedlog jednoglasno usvojen te Prijedlog Zakona o izmjenama Zakona o policijskim službenicima HNK postaje sastavni dio dnevnog reda (VI) redovne sjednice Skupštine HNK.

Obavljeno je glasanje da se Prijedlog Zakona o izmjenama Zakona o policijskim službenicima HNK razmatra po skraćenom postupku.

Nakon glasanja konstatovano je da je prijedlog dobio potrebnu većinu te će se Prijedlog Zakona o izmjenama Zakona o policijskim službenicima HNK na (VI) redovnoj sjednici razmatrati po skraćenom postupku.

Obavljen je glasanje o prijedlogu dnevnog reda šeste (VI) redovne sjednice Skupštine HNK.

Nakon glasanja konstatovano je da je dnevni red šeste (VI) redovne sjednice Skupštine HNK jednoglasno usvojen.

Usvojeni dnevni red:

- 1.Zaključak o informatizaciji rada Skupštine HNK;**
- 2.Poslanička pitanja;**
- 3.Prijedlog Zakona o izmjenama Zakona o policijskim službenicima HNK-a (skraćeni postupak);**
- 4.a)Informacija o usvajanju dokumenta okvirnog Budžeta HNK za period 2022-2024;**
- b)Informacija o usvajanju dokumenta okvirnog Budžeta HNK za period 2023-2025;**
- 5.Prijedlog Odluke o kreditnom zaduženju u HNK u 2022. godini za realizaciju projekta izgradnje, obnove i opremanja bolnica u HNK;**
- 6.Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2023. godinu;**
- 7.Prijedlog odluke o usvajanju Strategije za mlade HNK za period 2023-2028. godinu i akcioni plan za 2023. godinu;**
- 8.Informacija Ministarstva poljoprivrede, šumarstva i vodoprivrede o realiziranju dodijeljenih koncesija i ugovora zakupa za korištenje poljoprivrednog zemljišta u državnom vlasništvu na području HNK zaključeno sa 31.12.2022. godine;**
- 9.Zaključak o rukovođenju Skupštinom HNK**

1. Zaključak o informatizaciji rada Skupštine HNK

Zamjenik predsjedavajućeg Skupštine HNK Tomislav Martinović dao je obrazloženje zaključka o informatizaciji rada Skupštine HNK, a zaključak glasi:

I

Ovlašteni predlagači koji u skladu Poslovníkom Skupštine upućuju materijale na razmatranje putem protokola Skupštine iste su dužni dostaviti:

- a) u jednom primjerku u pisanoj formi na papiru,
- b) u drugom primjerku u elektronskoj formi putem službene adrese za elektronsku poštu za dostavu materijala koji se upućuju Skupštini na razmatranje info@skupstina-hnz-k.ba. Materijal koji se dostavlja u printanoj formi sadrži dokumente potpisane i ovjerene od stane ovlaštenog predlagača, te originale ili kopije dokumenata drugih subjekata, a koji služe kao obrazloženje akata koji se predlažu ili podnose Skupštini na razmatranje.

Materijal koji se dostavlja u elektronskoj formi sadrži:

- a) materijal za svaku temu koja se predlaže za rad Skupštine, pojedinačno kao jedinstveni dokument u formatu „PDF dokument“, tako da dokumenti Predlagača, sadržani u materijalu, budu potpisani oznakom „svojeručan potpis – s.r.“, bez potpisa i pečata ovlaštenog predlagača, odnosno da budu potpisani elektronskim potpisom kada to bude moguće, kao i u dokumentu koji je moguće uređivati,
- b) karte ili drugi akti kojima se predstavlja planski dokument čije razmatranje se predlaže, dostavljaju izvezene iz originalnog dokumenta u formatu koji omogućava odgovarajuću preglednost karte uvećavanjem određenih segmenata (PDF, EMF, DjVu i sl.).

Ukoliko je akt primljen elektronskim putem, iz tehničkih razloga nečitak, o tome će se odmah, putem elektronske pošte, na adresu s koje je materijal upućen sa adrese info@skupstina-hnz-k.ba, obavijestiti pošiljalac akta, koji je dužan ponovo dostaviti akt u ispravnom elektronskom obliku.

II

Materijali se poslanicima dostavljaju isključivo u elektronskoj formi putem službenih e-mail adresa.

III

U Skupštini se koristi elektronski sistem glasanja, koji registruje i prikazuje ukupan broj glasova “za”, broj glasova “protiv” i broj “suzdržanih” glasova. Na elektronskom zaslonu je prikazan glas svakog poslanika zelenom (“za”), crvenom (“protiv”) i žutom (“suzdržan”) bojom, a sivom bojom prikazana su mjesta poslanika koji ne prisustvuju sjednici.

Nakon glasanja, na elektronskom zaslonu se prikazuju rezultati.

Elektronski sistem glasanja registruje prisutnost poslanika na sjednici.

IV

Sjednice Skupštine koje su javne direktno se prenose putem službenog kanala.

V

Zaključak stupa na snagu danom donošenja, a objavit će se u „Službenim novinama Hercegovačko – neretvanskog kantona“.

Obavljeno je glasanje o navedenom Zaključku.

Nakon glasanja konstatovano je da je Zaključak o informatizaciji rada Skupštine HNK jednoglasno usvojen.

Šef odjela za informatiku i tehničku podršku u Skupštini HNK Haris Baljić, dao je obrazloženje i tehnička pojašnjenja poslanicima vezano za informatizaciju rada Skupštine i elektronski sustav glasanja.

2. Poslanička pitanja

OMER HUJDUR:

Poslanička inicijativa 1:

Tražim od vlade da u narednom periodu obezbjedi sredstva za rekonstrukciju i izgradnju kvalitetnih pristupnih puteva, rasvjete i druge infrastrukture za sve industrijske zone koje su oformljene u gradovima u našem kantonu.

Poslaničko pitanje 1:

Da li se Vlada HNŽ/K preciznije ministarstvo prometa i veza upućivalo u rješavanje problema u saobraćaju na sjevernom izlazu iz grada Mostara i uključivanje na magistralni put na ovom području kod hotela Amikus.

Poslanička inicijativa 2:

Budući da sam došao do saznanja da je za problem sjevernog ulaza, izlaza u grad napravljen projekat, osmišljeno rješenje tražim da se vlada anagažuje i da svoj doprinos u rješavanju ovog problema u što je moguće kraćem vremenskom periodu. Uz dužno poštovanje struke i uprave grada Mostara ja smatram da je ovaj projekat morao dobiti prioritet u odnosu na projekte kružnih tokova koji su realizovani u gradu Mostaru. Naravno ne to raditi u ovoj sezoni nego kad prođe turistička sezona.

Poslanička inicijativa 3:

Tražim da se obezbjede sredstva za završetak vodovodne mreže u povratničkom naselju Jasenica, opština Čapljina.

ARMAN ZALIHIC:

Poslaničko pitanje br. 1. upućeno Vladi HNK i Zavodu zdravstvenog osiguranja HNK:

Je li bivša direktorica gospođa Vidačak imenovana 9. prosinca na telefonskoj sjednici Vlade HNK-a na 3 mjeseca i da li je taj rok istekao? Dakle 9. ožujka tekuće godine, tko rukovodi Zavodom zdravstvenog osiguranja u ovom momentu i tko na osnovu kojih ovlaštenja potpisuje pravne akte?

Poslaničko pitanje br. 2. upućeno predsjedniku Vlade HNK Nevenku Herceg i ministru privrede HNK Željku Laketić:

Da li su s proračunske stavke i tekući transferi za implementaciju novih znanja tehnologije i standarda u dva navrata podijelili privatnim gospodarskim subjektima po 200 tisuća maraka bez javnog poziva na osnovu molbe?

Zastupničko pitanje br. 3. upućeno predsjedniku Vlade HNŽ/K Nevenku Herceg i ministru privrede HNK Željku Laketić:

Da li je najveći iznos pomoći dobila tvrtka Commerce engineering doo iz Mostara i po kojem osnovu i molim da mi dostave pravne akte temeljem kojeg su dostavljena sredstva i spisak svih gospodarskih subjekata s visinom kojim je dodijeljeno s navedene proračunske stavke.

STJEPAN KRASIĆ:

Odgovor na poslaničko pitanje:

Ima jedan suhoparan odgovor koji bi bio u prvom slučaju riječ o nadležnosti jedinicama lokalne samouprave jer županija je nadležna za županijske ceste a u drugom slučaju to je obligacioni odnosno prolaz magistralne ceste kroz grad i to je odnos, potpisani ugovor između grada Mostara s jedne i javnog poduzeća ceste Federacije s druge strane .Ali čisto malo radi pojašnjenja ovako jedan komentar, znači prvo je pitanje bilo kvalitet gospodarskih zona i njihovi prilazi. Polazimo od prostornog planiranja i prostornog plana kao najznačajniji dokument kojima se reguliraju te zone. Znači malo detaljnijeg narednog dokumenta po prostornom planiranju po zakonu o prostornom planiranju a to je urbanistički plan, Treći dokument je regulacijski plan. Četvrti dokument je urbanistički projekt koji je najdetaljniji projekt koji definira i detalje. Tu se javlja problem što se usvoji samo prostorni plan, ne rade se niži ovo dokumenti koje sam malo prije pobrojao. Onda se dođe kao iz zraka određena zona spusti kao kocka koja legne uz neku postojeću cestu s lijeve i desne strane i ta cesta koja je tranzitna gdje je jako važno održati mobilnost ,služi kao servisna prometnica i kao prilaz. To nije dobro. Idealan oblik neke površine bilo da je riječ o gospodarskoj zoni ili nekom naselju je krug. Sve što je blizu kruga to je dobro. Ali gospodarske zone kao linijski objekti uz postojeće prometnice nisu dobro planirane. I druga stvar, kompletna infrastruktura ,znači od struje, vode ,kanalizacije ,javne rasvjete, sabirnih prilaznih cesta ,lokalnih cesta, sve se to treba prethodno riješiti dokumentacijom, nažalost to nije uvijek slučaj. Osim neka površina, kaže, G3,ta i ta zona gospodarske namjene i kasnije nema više nijednog dokumenta prostornog uređenja koji bi detaljnije to razradio što je nužno u toj priči. To je prvo pitanje.Drugo pitanje. Ima to tehničko rješenje znači usvojen je projekt bila je rasprava i to je jedna od najkritičnijih točaka i to je jedini projekt još što je ostao između već ranije kazanog sporazuma između grada Mostara i javnog poduzeća ceste Federacije koji nije riješen. Znači bilo je imovinsko pravni, tehnička rješenja, revizije i križanje u dvije razine a ujedno kad se uzme čitav grad, to je ujedno najvažniji projekat ne samo s točke sigurnosti prometa evo vidimo svako malo u novinama osobito to kritično lijevo skretanje izlaza iz grad, zbog trokuta nepreglednosti koji je tu onakav kakav jest, velikog intenziteta prometa vozila ,mislim da tu ide čak negdje preko 15 tisuća vozila,17, na tom presjeku: Kako sjeverno ,tako južno od Mostara. Evo to su neke stvari, znači koje treba tehnički još dotjerati, mislim da je taj projekt blizu realizacije. Nije problem sredstava znači. Samo je taj odnos između grada i javnog poduzeća Ceste gdje treba uskladiti, harmonizirati da se što prije krene u to. Čak je negdje 2015,2016 godine potpisan znači taj sporazum između grada Mostara i javnog poduzeća Ceste na koje preko resornog ministarstva vlada federacije dala suglasnost a riječ je o magistralnim prolazima kroz grad Mostar i to je jedno od najvažnijih čvorišta ako ne i najvažniji.

ZORAN MIKULIĆ:

Poslaničko pitanje br. 1. upućeno Zavodu zdravstvenog osiguranja HNK i ministarstvu zdravstva rada i socijalne zaštite HNK:

Na temelju kojeg propisa vd ravnateljica Zavoda zdravstvenog osiguranja HNŽ gospođa Ana Vidačak trenutno obnaša tu funkciju. U svezi s tim tražim da mi se pismeno dostavi ukupan iznos financijskih transakcija i ostalih obveza iz nadležnosti Zavoda zdravstvenog osiguranja kojeg je Zavod zdravstvenog osiguranja HNŽ izvršio u periodu od 10.3. do 27.4. 2023 godine. Dakle, precizan iznos osiguranih financijskih sredstava potrebni za provođenje obveznog zdravstvenog osiguranja, iznos za njihovu namjensku uporabu, precizan iznos po izdanim nalogima za izvršavanje financijskog plana Zavoda i drugih akata upravnog vijeća, iznos sredstava odobrenih za nabavku roba, obavljanje usluga i odstupanje radova potrebni za rad stručne službe, broj odluka o izboru rukovodećih djelatnika i broj odluka o prijemu i raspoređivanju uposlenika na poslove i zadatke.

IVANA BUNTIĆ JOVANOVIĆ:

Poslaničko pitanje br. 1. upućeno ministru obrazovanja, nauke, kulture i sporta HNK Rašidu Hadžović:

Pitanje postavljeno 5.1.2023. vezano za psihologa i logopeda o.š. Vladimir Pavlović, Čapljina.

Poslaničko pitanje br. 2. upućeno ministru obrazovanja, nauke, kulture i sporta HNK Rašidu Hadžović:

Kako se i koliko često određuje popis obvezne knjižničke literature tj. knjižničkog fonda za osnovne i srednje škole u našoj županiji?

Poslaničko pitanje br. 3. upućeno Zavodu zdravstvenog osiguranja HNK:

Predmet je broj doktora prema stanovniku u gradovima u našoj županiji. Uvidom u materijale koje smo dobili kao pripremu za današnju sjednicu ,konkretno u strategiji za mlade u HNŽ-u od 2023 do 2028 koji ćemo naknadno razmatrati naišla sam na podatke o ukupnom broju liječnika u našoj županiji kao njihovoj raspodjelu unutar naše županije .Podatak na 48 stranici strategije za mlade u tablici broj 11, vrijednost indikatora zdravstvene zaštite po jedinicama lokalne samouprave u našoj županiji u 2019. godini, izvor podataka federalni Zavod za programiranje razvoja. Prezentiran je podatak o broju pacijenata na jednog doktora kao i jednog stomatologa. Iz tabele je vidljiva velika razlika, u broju pacijenata po određenim gradovima pa vas molim da odgovorite na sljedeće pitanje. Radi li se na približavanju tih vrijednosti tj. broja korisnika pacijenata po doktoru, odnosno stomatologu po gradovima naše županije i je li u ovoj godini drukčije stanje budući da su podaci iz 2019 a novih nemamo.

MARIJA MATUŠKO:

Poslaničko pitanje upućeno upravi za civilnu zaštitu i vatrogastvo HNK, ministarstvu poljoprivrede, vodoprivrede i šumarstva i predsjedniku Vlade HNK Nevenku Herceg:

Zahtijevam iscrpnu informaciju o tome što je dosad učinjeno na planu saniranja i novčane nadoknade za pretrpljene štete na požarom opuštenim zemljištima, privatnim ,javnim, obiteljskim i gospodarskim objektima na području općine Neum. Činjenica je da smo svjedočili obećanjima za pomoć ali gotovo ništa do sad nije realizirano zbog čega zahtijevam očitovanje i konkretnu reakciju, poglavito u svjetlu aktualne pripreme plana i programa za civilnu zaštitu i vatrogastvo HNŽ-a za 2023 godinu.Za osiguranje namjenskih pa i proračunskih sredstava za pomoć županijskim područjima koje pogode prirodne i dr. nepogode. Također ovim putem od naše županijske uprave tražim odgovore o nabavi jednog

novog vatrogasnog vozila za Neumske vatrogasce koji su jako loše opremljeni i kojima je neophodna konkretna i neodgodiva pomoć kako bi mogli odgovoriti izazovima koji pred njih postavi viša sila, prije svega prirodne nepogode u obliku požara ,potresa kao i one koje nastanu neodgovornim djelovanjem ljudskog činitelja.

Poslanička inicijativa:

Inicijativa za uvođenje poduzetničkih inkubatora.

DONKO JOVIĆ:

Odgovor na poslaničko pitanje:

Dakle vezano za vaš zahtjev dakle lokalne zajednice općine Neum, vezano za štetu koja je nastala u požarima prethodne godine. Bila je informacija povjerenstva pri Stožeru civilne zaštite i razmatrana u Vladi i to povjerenstvo je smatralo da se taj zahtjev treba odbiti jer je imao više formalnih nedostataka. Inzistirao sam na Vladi da se ne bi trebao odbiti zahtjev općine Neum za nadoknadu tih šteta zbog formalnih razloga pa smo zamolili i povjerenstvo da ovaj iskomunicira sa općinom Neum u smislu otklanjanja tih svih nedostataka kako bila podloga sutra za odobravanje i nalaženje određenih sredstava u smislu pomoći za sanaciju svih tih šteta. Osim toga sam i osobno kao ministar jer je taj jedan sličan zahtjev došao i na moju adresu uputio dopis i prema predsjedniku Vlade i prema civilnoj zaštiti da se izlažu sredstva kroz redovite programe ili već na neki drugi način kako bi mogli pomoći općini Neum za ovaj požar i štete od požara iz prethodne godine.

MIRKO VASILJ:

Poslanička inicijativa br.1 upućena Vladi HNK i ministarstvu prometa i veza HNK odnosno ministru Stjepanu Krasiću:

Gradnja brze ceste Dračevo-Doljani ,tj. grad Čapljina prema Hrasnom, općina Neum. Ono što tražim ovom inicijativom je da ovo ministarstvo u što kraćem roku pristupi nalaženju sredstava ,tj. inicijativi prema Federalnom ministarstvu prometa i komunikacija za izgradnjom spomenute brze ceste.

Poslanička inicijativa br.2 upućena ministarstvu prosvjete, nauke kulture i sporta HNK odnosno ministru Rašidu Hadžović:

Zahtjev za dodatnim sufinanciranjem prijevoza srednjoškolskih učenika u gradu Čapljini. Naime ova inicijativa predlaže da prilikom narednog rebalansa proračuna da se pristupi nalaženju dodatnih sredstava od 50 tisuća maraka mjesečno za prijevoz učenika koji svoja zanimanja pohađaju izvan grada Čapljine jer ista u Čapljini ne postoje.

Poslaničko pitanje upućeno ministru Donki Joviću, ministru poljoprivrede šumarstva i vodoprivrede HNK:

Je li HNŽ-a držanje pčelinjih zajednica proglasila javnim interesom županije. Ako nije, evo zašto nije i samim tim imaju li registrirani pčelari naše županije pravo i mogućnost istovremenog korištenje županijskog i federalnog poticaja kao što to ima u drugim županijama.

DONKO JOVIĆ:

Odgovor na poslaničko pitanje:

Dakle pčelari nemaju privilegirani status u ovoj županiji, imaju samo u ZHŽ i tko prema mojoj, prema mom saznanju da nema ni u jednoj županiji osim ZHŽ .Što, zašto, mogao bi elaborirati ne mogu naplaćivati dvojno dakle i ovdje i gore. Ide izmjena nova, zakona o poticajima lunarnom razvoju. Zašto nema, ja sam inače tog opredjeljenja da nemaju jer ako bi nekoj proizvodnji davali neki prioritet, imamo mnogo prioritetnijih proizvodnja u ovoj

županiji od pčelarstva ,primjera:vinogradarstvo,90% proizvodnje u BiH je u ovoj županiji. Druga stvar, imamo, poznati smo i po ranom voću i povrću, poznati i po pramenki koje dosta ima gore u Konjicu, Jablanici i Rami itd. mnogo ima prioritetnijih proizvodnja a što je ta proizvodnja u ZHŽ ušla kao prioritet to je bio jednostavno pritisak jednog lobija pčelarskog iz Ljubuškog na bivšeg ministra Ćorića koji je inače uvijek i u svemu slijegao ramenima bilo kakvi da su bili pritisci na njega ,a on je bio, u njih je gore to objedinjeno ministarstvo i poljoprivrede i gospodarstva i slobodno mogu reći da se nikada nije ni bavio poljoprivredom. U njih su se poljoprivredom bavili nekakvi službenici u ministarstvu itd. Da ne kažem malo grublje riječi. Dakle u proceduri je ,ovih dana ide ,mislim da će čak i se sutra otići svima kome treba otići prednacrt zakona o novčanim potporama u poljoprivredi i ruralnom razvoju pa imat će se svako pravo očitovati i kažem ja sam inače blizak tom opredjeljenju da mi ne dajemo nikakve privilegirane proizvodnje, nije bitno pčelarstvo ,ništa, da ne bude ni jedna jer nema smisla ovaj jer tu nema ,sigurno nema kriterija po kojem bi nečem ,nešto ,primjer pčelarstvo izuzeo da je bitnije od nečeg drugog. Tko će reći rataru da je njegov med prioritetniji od kruha ili mesa, mlijeka itd, itd. Dakle otišli bi ukrivo ,ne vjerujem da bi to bilo dobro rješenje.

KEMAL MURATOVIĆ:

Poslaničko pitanje:

Na osnovu članka 178. poslovnika o radu Skupštine, tko i kada je imenovao opunomoćenika državnog kapitala za skupštinu ŠGD Šume Hercegovačko-neretvanskog, DD Mostar i tko su članovi organa upravljanja ovog poduzeća?.

DANIJEL BABIĆ:

Poslanička inicijativu upućena Vladi HNK i resornom ministarstvu zdravstva rada i socijalne zaštite HNK:

Inicijativa se odnosi za donošenje zakona o izmjenama i dopunama zakona o materijalnoj potpori obitelji sa djecom po skraćenom postupku.

VESNA ŠUNJIĆ:

Poslaničko pitanje br. 1. upućeno ministru zdravstva rada i socijalne zaštite HNK Goranu Ospenici:

Molim da mi dostavite podatak o broju podnesenih zahtjeva odnosno broj provedenih procjena koje su rezultirale nalazom i mišljenjem za procjenu praćenja i upućivanje djece s teškoćama u razvoju ili invaliditetom zaključno sa 31.3.2022 godine.

Poslaničko pitanje br. 2. upućeno Zavodu zdravstvenog osiguranja HNK:

Na koji način se planira realizirati specifična rehabilitacija neuroloških bolesnika upotrebom neuromodulacijskog odijela. Molim da mi dostavite detaljne smjernice o načinu i uvjetima rehabilitacije putem ovih odijela.

Poslanička inicijativa br. 1. upućena predsjedniku Vlade HNK Nevenku Herceg:

Molim da za narednu sjednicu skupštine HNŽ/K kao točku dnevnog reda uvrstite detaljan akcijski plan mjera za prevladavanje nedostataka koje je vlada bila dužna pripremiti nastavno na izvještaj o financijskoj reviziji HNŽ/K za 2021 godinu, koje je izdao ured za reviziju institucija federacije u rujnu 2022 godine.

Poslanička inicijativa br. 2. upućena ministru zdravstva rada i socijalne zaštite HNK Goranu Opsenici:

Molim da se Odluka o osnovama kriterijima mjerilima za sklapanje ugovora sa zdravstvenim ustanovama koje osiguravaju uslugu zdravstvene zaštite a financiraju se iz sredstava Zavoda zdravstvenog osiguranja HNŽ/K uskladi sa zakonom o zdravstvenoj zaštiti to je žurno a najkasnije do 31.5. dostavi Vladi na razmatranje.

IVAN ODAK:

Poslaničko pitanje br. 1. upućeno Zavodu zdravstvenog osiguranja HNK:

Tko upravlja Zavodom zdravstvenog osiguranja HNŽ/K i u čijim je rukama iznos od cirka, 140 milijuna maraka?.

Poslaničko pitanje br. 2.:

Poštuje li Nova banka AD Banja Luka važeće federalne zakone.?

3. Prijedlog Zakona o izmjeni Zakona o policijskim službenicima HNK

Obrazloženje je dao ministar unutarnjih poslova u Vladi HNK Slađan Bevanda:

U članu 127. stav 5. Zakona o policijskim službenicima koji se odnosi na vanrednu dodjelu činova odnosno vanredno promicanje policijskih službenika imamo propisano da se radno iskustvo policijskih službenika računa od stjecanja stručne sprema znači, za VI ili VII stepen stručne sprema odnosno I,II ciklus ovoga visokog obrazovanja kako u biti nama je bitno efektivno radno iskustvo policijskih službenika koje su oni stekli kao policijski službenici s dozvolom da primjenjuju policijske ovlasti odnosno postupaju kao ovlaštene službene osobe sukladno Zakonu.

U obrazloženju je naveo da se usvoji izmjena ovoga Zakona na način da se stav 5., člana 127. prethodnog Zakona briše jer je isto regulirano kroz uredbu o činovanju policijskih službenika koja je donesena na sjednici Vlade u aprilu ove godine.

Ispred zakonodavnog pravne komisije obrazloženje je dao Daniel Babić, predsjednik istog:

Na osnovu člana 34. stav 1. Poslovnika o radu Skupštine Privremena komisija za zakonodavno pravna pitanja na održanoj trećoj sjednici razmatrala je dostavljeni Zakon o izmjeni Zakona o policijskim službenicima te je jednoglasno usvojilo sljedeće mišljenje:

1. Postoji ustavni zakonski osnov za donošenje prednjeg zakona.
2. Privremena komisija nema formalnih primjedbi na tekst Zakona i isti se može uputiti u redovnu skupštinsku proceduru.

Otvorena je rasprava.

U raspravi su učestvovali: Arman Zalihić i Tomislav Martinović.

Zaključena je rasprava.

Obavljeno je glasanje o Prijedlogu Zakona o izmjeni Zakona o policijskim službenicima u HNK.

Nakon glasanja konstatovano je da je sa 17. glasova Za ,1. Protiv glas i 4. Suzdržana glasa prihvaćen Prijedlog Zakona o izmjenama Zakona o policijskim službenicima u HNK .

4. a) Informacija o usvajanju dokumenta okvirnog Budžeta HNK za period 2022-2024.

b) Informacija o usvajanju dokumenta okvirnog Budžeta HNK za period 2023-2025.

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi nije nitko učestvovao.

Zamjenik predsjedavajućeg Skupštine HNK Tomislav Martinović obavijestio je poslanike da je Skupština primila k znanju Informaciju o dokumentu okvirnog Budžeta HNK-a za period 2022-2024. i za period 2023-2025. godina.

5. Prijedlog Odluke o kreditnom zaduženju u HNK u 2022. godini za realizaciju projekta izgradnje, obnove i opremanja bolnica u HNK

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi su učestvovali: Vesna Šunjić i ministar Faladžić.

Obavljeno je glasanje o Prijedlogu Odluke o kreditnom zaduženju u HNK u 2022. godini za realizaciju projekta izgradnje, obnove i opremanja bolnica u HNK.

Nakon glasanja konstatovano je da je sa 18. glasova Za i 4. Suzdržana glasa prihvaćen je Prijedlog Odluke o kreditnom zaduženju u HNK u 2022. godini za realizaciju projekta izgradnje, obnove i opremanja bolnica u HNK.

Usljedila je **pauza** od 20 minuta.

Nakon pauze, zamjenik predsjedavajućeg Skupštine HNK Tomislav Martinović je obavijestio poslanike da je prijedlog Kolegija Skupštine HNK da se po tački 6. Prijedlog Odluke o davanju saglasnosti na izmjene i dopune finansijskog plana Zavoda zdravstvenog osiguranja za 2023. godinu odgodi rasprava, jer ne postoji mogućnost da navedenu tačku dnevnog reda obrazloži predsjednik upravnog vijeća Zavoda zdravstvenog osiguranja, te se rasprava navedene tačke odgađa za nastavak sjednice koji će biti naknadno dogovoren.

6. Prijedlog odluke o usvajanju Strategije za mlade HNK za period 2023-2028. godinu i akcioni plan za 2023. godinu

Obrazloženje su dali Rašid Hadžović ministar obrazovanja, nauke kulture i sporta u Vladi HNK i profesor Rijad Novaković.

Otvorena je rasprava.

U raspravi su učestvovali: Marija Matuško, Slavko Bilić, Harun Kurtović, Nedžad Maksumić, Zoran Krešić, Josip Grbavac, Oliver Soldo, Vesna Šunjić, Tomislav Martinović i ministar Hadžović.

Obavljeno je glasanje o Prijedlogu odluke o usvajanju Strategije za mlade HNK za period 2023-2028. godinu i akcioni plan za 2023. godinu.

Nakon glasanja konstatovano je da je Prijedlog odluke o usvajanju Strategije za mlade HNK za period 2023-2028. godinu i akcioni plan za 2023. godinu jednoglasno usvojen.

7. Informacija Ministarstva poljoprivrede, šumarstva i vodoprivrede o realiziranju dodijeljenih koncesija i ugovora zakupa za korištenje poljoprivrednog zemljišta u državnom vlasništvu na području HNK zaključeno sa 31.12.2022. godine

Obrazloženje je dao Donko Jović, ministar poljoprivrede, šumarstva i vodoprivrede u Vladi HNK.

Otvorena je rasprava.

U raspravi su učestvovali: Ivan Odak, Zoran Krešić i ministar Jović.

Tomislav Martinović zamjenik predsjedavajućeg Skupštine HNK izvijestio je poslanike da je Informacija Ministarstva poljoprivrede, šumarstva i vodoprivrede o realiziranju dodijeljenih koncesija i ugovora zakupa za korištenje poljoprivrednog zemljišta u državnom vlasništvu na području HNK zaključeno sa 31.12.2022. godine primljena k znanju.

8. Zaključak o rukovođenju Skupštinom HNK

Tomislav Martinović zamjenik predsjedavajućeg Skupštine HNK pročitao je Zaključak:

Daje se ovlaštenje zamjenicima predsjedavajućeg Skupštine Hercegovačko-neretvanskog kantona da obavljaju poslove predsjedavajućeg Skupštine Hercegovačko-neretvanskog kantona.

Zaključak stupa na snagu danom donošenja, primjenivati će se do izbora predsjedavajućeg, a najdalje do 01.06.2023. godine i objavit će se u „Službenim novinama Hercegovačko – neretvanskog kantona“.

Obavljeno je glasanje o navedenom Zaključku.

Nakon glasanja konstatovano je da je Zaključak o rukovođenju Skupštinom HNK jednoglasno usvojen.

Sjednica je završila s radom u 16:30 sati.

Nastavak 6. (redovne) sjednice Skupštine HNK

Sjednica je održana dana 03.11.2023.(ponedjeljak) u sali Skupštine Hercegovačko-neretvanskog kantona u Mostaru sa početkom rada u 09:30 sati.

Sjednicu je otvorio Tomislav Martinović zamjenik predsjedavajućeg Skupštine Hercegovačko-neretvanskog kantona.

Prisutni: Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Oliver Soldo, Dragica Suša, Mirko Vasilj, Nermin Vrtić, Arman Zalihić, Vesna Saradžić i Irma Memidžan, Zora Dujmović, Iva Raguž.

Odsutni: Ismet Lulić i Vesna Šunjić.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici Zavoda zdravstvenog osiguranja HNK, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Zamjenik predsjedavajućeg Skupštine HNK Tomislav Martinović izvijestio je poslanike da je u materijalima dostavljen prijedlog dnevnog reda za nastavak 6.redovne sjednice Skupštine HNK.

1. Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2023. godinu

Obrazloženje je dala Ana Vidačak, direktorica Zavoda zdravstvenog osiguranja HNK. Otvorena je rasprava.

U raspravi su učestvovali: Ivan Odak, Mirko Vasilj, Zoran Krešić, Damir Džeba, Irma Memidžan, Oliver Soldo, Vesna Saradžić, Omer Hujdur, Harun Kurtović, direktorica Ana Vidačak. Salmir Kaplan.

Obavljeno je glasanje o Prijedlogu Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2023. godinu.

Većinom glasova Za, i 1 glasom Protiv usvojen je **Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2023. godinu**

Zamjenik predsjedavajućeg Skupštine HNK Tomislav Martinović predložio je sljedeći Zaključak:

Zadužuje se Zavod zdravstvenog osiguranja HNK da u sljedećoj izmjeni Finansijskog plana Zavoda zdravstvenog osiguranja za 2023. godinu za usluge primarne zdravstvene zaštite (ekonomski kod 613941- domovi zdravlja) planira dodatnih 3.000 000,00 KM.

II

Zadužuje se Zavod zdravstvenog osiguranja HNK da u roku od 15 dana od dana donošenja ovog Zaključka Skupštini HNK dostavi Izvještaj o provedbi Zaključka broj: 02-01-234/22 od 22.12.2022. godine.

III

Zaključak stupa na snagu danom donošenja a objavit će se u „Službenim novinama“ Hercegovačko neretvanskog kantona.

Obavljeno je glasanje o navedenom Zaključku.
Nakon glasanja konstatovano je da jednoglasno usvojen navedeni Zaključak.

Sjednica je završila s radom u 13:00 sati.

ZAMJENICI PREDSJEDAVAJUĆEG
Tomislav Martinović

Džafer Alić
